



March 18, 2025

Kaviq Kaluraq
Ikhivautak
Nunavumi Avatiligiyiit
Titigakvia: PO Box 1360
IKALUKTUTIAK NU X0B 0C0

Halo Kaviq Kaluraq:

Titigaktunga Kanatami Inuligiyyiit (CIRNAC) tuniniaktut manikhainik ilanganut Ukiuktaktumi Ilauyumayut Manikhainik Pilihimatjutikhainit (NPFP ovaluniit Pilihimatjutikhait) munagiyaanganik ilauyumayunut ilangani Nunavumi Avatiligiyiit (Katimayiit) kimilguugutainik Uataani Kitikmeot Pitkutiligiyiit Kuapurisitkut uktugumayainik Kugluktuyuami Apkotikhait ovalo Uhiyakvikhainik Hanayakhat (NIRB File No. 24XN038) Kitikmeoni, Nunavut. Pinahuaniaktait hapkoa manikhait ikayuklugit Nunakakaakhimayut ovalo aalat Ukiuktaktumiut atulaagutainik pitkutikhainik ovalo ayongitut piyumayainik ilauyaanganik nakuuyumik kimilguuktitlugit angiyut pitkutikhait havakatigiigutikhainik hanatiligiyiit hanayakhat Kanatami Ukiuktaktuani.

CIRNACKut pitkuyut uktuklutik hapkonanit ilauyumayunut manikhainik ilauyaanganik kimilguuktitlugit Kugluktuyuami Apkotikhainik ovalo Uhiyakvikhait Hanayakhat. Uktugumayut angiktauniaktut umiktinagit **11:59mi unuakat (EST) April 15mi, 2025** (takulugit ilauyut Inuit Tuhaktigutait).

Apigiyugut Katimayiit havaktiit aatjikuliulugit hamna titigait ilaulugit Ilaukatauyumayut Manikhait Maligutikhainik ovalo Inuit Tuhaktigutait Katimayiit Titigagutainut. Ilauyumayut Inuit ovaluniit Havakviit takulaaktut pilihimatjutikhainut havaktiit hamani kagitauyakut: aidefinanciereparticipants-participantfunding@rcaanc-cirnac.gc.ca apigiyumagumik Manikhainut Maligutikhait. Pilihimatjutikhait havaktiit kuviahuktut ikayugiaganik apitkutikhainut mikhaanut uktugutikhainik ilanganut, pilaaktunut, ubluinik ovaluniit akilugumayainik ukautait. Ilanganik tuhagutikhait nanilaaktut NPFPmi kagitauyainik hamani: (<https://www.rcaanc-cirnac.gc.ca/eng/1545150205116/1547478360408>).

Uktuktut kimilguuktiit Katimayigalaat ihumaginiaktait tamamik uktukhimayunit, naunaiyaklugit piniaktunik ovalo pitkuhimayainik manikhainik kafinik CIRNACKuni. Hamani ilanganut inikata, CIRNACKut havaktiit tuniniaktut titigagutainik Katimayinut tuhaktiyaanganik piniaktunut uktukhimayinit ovalo kafinik manikhait.

Canada





Apikutikhaguvit ovaluniit ihumaalugufi mikhaanut Pilihimatjutikhainik ovaluniit
pilaaktainik manikhait ikayugiaganik ilauyumayunut kimilguuktitluhi uktugumayainit
Kuglukyuayumi Apkotikhainik ovalo Uhiiyakvikhait, kagitauyakuulugit hamani:
aidefinanciereparticipants-participantfunding@rcaanc-cirnac.gc.ca.

Ovanga,

Jennifer Walsh
Atanguyauyak, Avatiligiyiit ovalo Pitkutiligiyiit
Kanatami Inuligiyiit